



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 22. An teneantur ullo præcepto Parochiani diebus Dominicis &
festis interesse Concioni in propria paræcia, sic ut non satisfaciat qui solas
Regularium Ecclesias frequentat.

urn:nbn:de:hbz:466:1-40873

ræ affixum omnes ubique existentes arctare, & afficere, ac si unicuique personaliter fuisse intitulatum.

Franciscus Siccarius Sanctæ Romanae & Universalis Inquisitionis Notarius. Locus + Sigilli.

Anno à Nativitate D. N. Iesu Christi 1667. in dictione quinta, Die vero 7. Maii, Ponificatus autem Sanctissimi in Christi Patris & D. N. D. Alexandri divinâ providentia Papæ VII. anno decimo tertio, su prædictum Decretum affixum & publicatum fuit ad valvas Basilicae Principis Apostolorum & in acie Campi Flora, ac in aliis locis solitis & consuetis urbis, per me Carolum Melanum ejusdem Sanctiss. D. N. Pa- pæ & sanctiss. Inquisitionis Cursorem.

Q U A E S T I O X X I I .

An teneantur ullo præcepto Parochiant diebus Dj- minicis & festis interesse Concionari in propria pa- racia. sic ut non satisfaciat qui solas Regula- rium Ecclesias frequentat.

Hæc controversia nostro tempore magnâ partium contentione disceptatur. Agitur imprimis de Cleri sacerdotalis templis, & officiis; litigatur de Regularium præcipuis munib; ac privilegiis. Disceptatur denique de totius populi Christiani immunitate à vinculo præcepti, quo ædes parochiales ad verbi Dei prædicatio- nem frequentare cogantur.

Hinc est quod hæc quæstio sæpius excitata, sæpius sopita, nuper Lovaniæ, ex tenui scintilla, in novum drepente litterariæ contentio- nis incendium eruperit. Fomitem huic conten- tionis subjecit Concionator in templo D. Jacobi,

qui

164 Pars 3. tract. 1. De Opinionum probabilitate
qui auditores suos admonuit de reatu peccati,
quem omnes incurunt, qui in templo propriæ
paræciæ verbum Dei audire omittunt. Non le-
viter offendit ea denunciatio plerasque Regula-
rium familias, atque exemplò contra hanc do-
ctrinam excusa Pontificum diplomata ac decre-
ta valuis affixerunt, suaque jura ac privilegia
populo præ rostris exponere cæperunt. Contra
hos prodiit sine mora libellus inscriptus, Oblig-
atio audiendi verbum Dei in parochiis, clare
demonstrata. Huic Demonstratori opposuit vir
eximius ex ordine S. Augustini, Exhibitionem
Canonum, quibus obligationem illam doctissi-
mè oppugnat. Non multo post tempore idem
Demonstrator sub nomine Christophori Phila-
lethis reposuit libellum quem inscribit, Justam
defensionem contra illam Canonum exhibiti-
onem. Sed contra hunc Philalethem apertâ fron-
te suam Canonum Exhibitionem novo Respon-
so stabilivit idem Exim. P. Christianus Lupus ex
ordine S. Augustini, edito mense Decembri an-
no 1674. Verum nec pedem è campo retulit
Philalethes, qui pro sua causa postea vulgavit,
Deductionem Juris Parochialis &c. anno 1675.
Atque ita hactenus mutuus partium & argu-
mentorum conflictus, ad hujus cause cogni-
tavit. Hic præcipua tantum utriusque partis
argumenta breviter proponens, cause judi-
cium, prout debeo, aliis integrum relinquo.

Assertores obligationis confluendi ad Con-
cionem propriæ paræciæ præcipuum causæ sua-
momentum petunt ex verbis Concilii Triden-
tini Sessione 24. cap. 4. de Reformatione. Mo-
neat Episcopus populum diligenter, teneri unumquem-
que parochia sua interesse, ubi id commode fieri potest.

ad audiendum verbum Dei. Contendunt enim Concilium dum pronunciat, unumquemque teneri, præcepti vinculum imponere voluisse, unde inferunt nemini licere sic aliena templa frequentare, ut absit à concione suæ paræciæ.

Respondent ex adverso Regulares, per illa verba nullam importari obligationem conscientiæ, sed tantum aliquam decentiam & honestatem, ut aliquando ad verbum Dei audiendum quisque in propria parochia compareat, præceptum vero incumbere ne quis ex contemptu eam adire negligat. Idque confirmant primò, quia nulla veritatis specie dici potest, quod voluerit Concilium generaliter unumquemque fidelium stricto præcepto adstringere, ut verbo Dei audiendo intersit, multò minus ut debeant omnes in unum paræciæ suæ templum compingi, quod plerumque nec medium gregis sui partem simul intra sua repagula complecti potest.

Confirmant secundò, quia Concilium disertè addit, ubi id commode fieri potest, quo declarat fidelium oportunitati ac devotioni relictum esse, sive Regularium, sive aliorum conciones frequentare. His autem neque commodum, neque oportunum est, relicto templo viciniori, aut concionatore aliquando præstantiori, aut magis forsan ad animæ suæ profectum accommodato, ad unicum in tota urbe præco-diccas, liberum esse, ubi suæ obligationi in parochiali satisfecerint, alia etiam templa frequentare; nam hoc ipsum, cum plerisque nec commodum, nec integrum esse soleat, satis demonstrat illam obligationem neque verbis, neque menti Concilii consentaneam videri.

Con-

Confirmant tertio, ex declaratione summi Pontificis Pii V. in Bulla, *Etsi Mendicantium*, datâ post Tridentinum anno 1567. 17. Kal. Junii, quæ sic habet. Fratres mendicantes Missas, & divina officia hujusmodi, etiam in diebus Dominicis vel festivis, etiam antequam Rector Parochialis Ecclesiae celebraverit, celebrare & facere; & quando eis videbitur, etiamsi tunc in Ecclesia Cathedrali prædicatur, prædicare; ac etiam quoscunque utriusque sexus fideles totius anni tempore illas, & illa, in Ecclesiis Fratrum hujusmodi audire possint; ipsique Christi fideles ullenatus desuper molestari, aut impediri per locorum Ordinarios, seu Rectores Parochialium Ecclesiarum, aut alios quoscunque ullo pacto, causâ, vel occasione non valeant, seu debeant: sed præfati Christi fideles audiendo Missas, & alia divina officia in Ecclesiis Fratrum, hujusmodi diebus Dominicis aut festis, præcepto Ecclesiae de illis audiendis satisfecisse censeantur.

Declarationi adeo manifestæ nihil videbatur posse opponi. Non dubitant tamen aliqui contendere ipsum Pium V. in Constitutione sua: *Romani Pontificis*, diploma illud revocasse. Respondent Regulares, id nullam haberi veri specimen. Siquidem in ea aliud non decernit quam: *Decretum Concilii Tridentini de Approbatione Regularium audiendi confessiones secularium præpositorum facienda, observari debere in omnibus Regularium quorumvis Ordinum etiam Mendicantium: Non obstantibus Constitutionibus & Ordinationibus Apostolicis ac nostris litteris predictis &c.* Hic revocat Pontifex suam Constitutionem, quoad Confessiones secularium non audiendas sine Ordinarii examine, & approbatione. Nihil hoc habet commun-

ne cum præsenti quæstione, quæ est de Concione, & Missa in Parochiali templo audienda. Adducunt tamen adversarii aliam istius diplomatis revocationem per Pii V. successorem Gregorium XIII. quæ incipit: *In tanta.* Sed hanc fuisse publicatam negat Author Analectorum cap. 13. affirmat fusè Philalethes in Obligatione audiendi &c. cap. 5. pag. 33.

Constitutioni Pianæ addunt Regulares in eandem sententiam alia Pontificum diplomata: & illud Pauli III. *Licet debitum anno 1549.* concessum Societati Jesu, ubi decernitur, ut omnes Christi fideles in Sociorum Ecclesiis conciones, Missas, & alia divina officia audire, & Ecclesiastica Sacra menta recipere liberè & licitè valeant: *nec ad id, ad proprias Parochiales Ecclesiæ accedere teneantur.* Huic verò Constitutioni ne di- cas derogatum esse per Conc. Tridentinum, obstat Bulla Gregorii XIII. *Ascendente Domino,* data anno 1584. ubi de Apostolicæ potestatis plenitudine dictæ Societatis quæcunque pri- vilegia, facultates, exemptiones, immunita- tes, gratiæ, & indulta à prædecessoribus (inter quos disertè Paulum III. nominat) concessa, approbantur ac confirmantur.

Accedit denique communis Doctorum, qui post Tridentinum scripserunt, sensus & inter- pretatio, ut Hesselii in decalogum cap. 14. Mo- lani ad decal. cap. 9. Bonacinae disp. 5. punct. 2. n. 27. Suar. lib. 2. de Rel. cap. 16. n. 6. Azorii, Trullench, Molfesii, Leandri part. 3. tract. 2. disp. 2. q. 73. apud quem alias longo ordine ci- tatos invenies. Quibus addo Theses in ipsa A- cademia Lovaniensi præsente Doctore Bajo, qui interfuit Tridentino, publicè defensas anno 1580. & 1569. 24. Martii his verbis: *Etsi me-* lius